

Na osnovu člana 27. stav 1. alineja 6. Zakona o ustanovama ("Službeni list RBiH", broj 6/92, 8/93 i 13/94) i člana 36. Pravila Javne ustanove Sarajevski ratni teatar – SARTR ", V.D. Upravni odbor Javne ustanove "Sarajevski ratni teatar – SARTR " na sjednici održanoj dana 23.09.2022.godine , donio je

**PRAVILNIK O NAKNADI ZAPOSLENIKA JAVNE USTANOVE „JU SARAJEVSKI RATNI TEATAR-SARTR“  
ZA AUTORSKI RAD IZVAN OPISA POSLOVA SVOG RADNOG MJESTA KAO I IZVOĐAČKE  
POSLOVE IZVAN RADNOG MJESTA**

**Član.1**

Pravilnikom o naknadi zaposlenika Javne ustanove "Sarajevski ratni teatar – SARTR " za autorski rad izvan opisa poslova svog radnog mjesta, kao i izvođačke poslove izvan radnog mjesta (u daljem tekstu: Pravilnik) regulišu se međusobni odnosi, prava i obaveze između Javne ustanove "Sarajevski ratni teatar – SARTR " i zaposlenika Javne ustanove "Sarajevski ratni teatar – SARTR" u izuzetnim slučajevima kada se zaposlenik angažuje za poslove koji se smatraju autorskim djelom ili se angažuje kao umjetnik izvođač na poslovima koji nisu predviđeni opisom poslova i radnih zadataka radnog mjesta na koje je zaposlenik raspoređen u Javnoj ustanovi "Sarajevski ratni teatar – SARTR " (u daljem tekstu: Teatar).

**Član.2**

U izuzetnim slučajevima, koje reguliše ovaj Pravilnik, Teatar povjerava obavljanje poslova istaknutim stvaraocima i eminentnim umjetnicima koji su zaposleni, a koji se osim svojih redovnih poslova angažuju kao autori ili umjetnici izvođači.

**Član.3**

Teatar može samo jedanput godišnje angažovati uz naknadu zaposlenika, za potrebe produkcije Teatra za obavljanje poslova koji se smatraju autorskim djelom, a koji nisu predviđeni opisom poslova i radnih zadataka na koje je zaposlenik raspoređen.

**Član 4.**

Zaposlenik će poslove, za koje je angažovan od strane Teatra, obavljati na način koji neće štetiti obavljanju poslova i radnih zadataka na svom redovnom radnom mjestu.

**Član 5.**

( 1 ) Za angažovanje zaposlenih u Teatru , kao autora, za poslove koji nisu u okviru opisa poslova njihovog radnog mjesta , autoru pripada naknada;

( 2 ) Naknada, iz stava ( 1 ) ovog člana , autoru se isplaćuje putem ugovora o autorskom djelu i to: za režiju 1 ( jedna ) ili ( 2 ) dvije mjesečne plate predviđene za radno mjesto režisera ovisno od složenosti navedenih poslova i da li predstava ima ansambl i komorno izvođenje;

za kostimografiju i scenografiju 1 ( jedna ) ili ( 2 ) dvije mjesečne plate predviđene za radno mjesto scenografa i kotimografa ovisno od složenosti navedenih poslova i da li predstava ima ansambl i komorno izvođenje;

za dramaturgiju u određenoj predstavi 1 ( jednu ) mjesečnu platu predviđene za radno mjesto dramaturga;

Član 6.

( 1 ) Za angažovanje zaposlenika u Teatru, kao umjetnika izvođača, koji obavlja poslove koji nisu u okviru opisa poslova njegovog radnog mjesta , isplatiti će se izvođačka naknada.

( 2 ) Naknada iz stava ( 1 ) ovog člana, umjetniku izvođača isplaćuje se mjesečno putem ugovora o autorskoj djelu i to :

- za obavljanje izvođačkih poslova dramskog glumcu u iznosu od 40% neto plate predviđene za to radno mjesto, ako je igrao u dvije ili više predstava;
- za obavljanje izvođačkih poslova dramskog glumcu u iznosu od 10% neto plate predviđene za to radno mjesto, ako je igrao u jednoj predstavi;

( 3 ) Ukoliko umjetnik izvođač nije igrao u predstavama, koje su na repertoaru u određenom mjesecu , naknada se za taj mjesec ne isplaćuje.

Član 7.

( 1 ) Visinu iznosa autorske i izvođačke naknade utvrđuje direktor Teatra za svaki konkretan slučaj, izuzev za slučaj kada zaposlenik Teatra koji čini umjetnički ansambl obnaša funkciju v.d. direktora ili direktora Teatra, visinu iznosa autorske i izvođačke naknade utvrđuje Upravni odbor Javne ustanove "Sarajevski ratni teatar – SARTR ".

( 2 ) Zaposleniku Teatra se ne može isplatiti iznos autorske ili izvođačke naknade u skladu sa odredbama ovog pravilnika veći od 40% neto plaće koju ostvaruje za redovan rad u jednom mjesecu.

Član 8.

Izmjene i dopune ovog Pravilnika vrše se na način na koji se i donose.

Član 9.

Pravilnik će se objaviti na oglasnoj ploči i web stranici Javne ustanove "Sarajevski ratni teatar – SARTR ".

Član 10.

Pravilnik stupa na snagu danom donošenja od strane Upravnog odbora Javne ustanove "Sarajevski ratni teatar – SARTR "

V.D. Predsjednik Upravnog odbora

Halil Subašić

Sarajevo, 23.09.2022.godine  
Broj:04-36-1-P/23